



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorm Omnium Generalium Et Provincialium Collectio Regia**

Ab anno DCCCCX. ad annum MLXXIII.

**Parisiis, 1644**

Concilium Apud Trosleium, In Qvo Herlvinus Comes Poenitentiam subiit pro  
vxore quam duxerat alia viunte, anno DCCCCXXVII.

**urn:nbn:de:hbz:466:1-15625**

ANNO CHRISTI 924. ecclesiam Camaracensem perpetrauerat : & vadatus argenti libras centum, pacatur cum Stephano præfatæ vrbis episcopo, præfente Heriberto & pluribus qui aderant, Franciæ comitibus.

NOTA SEVERINI BINII.

<sup>a</sup> *Concilium.* ] De hoc Concilio in Galliis habito Flodoardus libro 4. capite 19. Duarum aliarum Synodorum eodem loco celebratarum idem Flodoardus meminit : quarum vna habita fuit sub præsidio Heriuai Rhemenfis archiepiscopi, in præsentia Caroli anno 921. Altera vero post occisum Seulfum, & quinquennalem Heriberti comitis filium Rhemenfis ecclesiæ episcopum electum, celebrata est anno 927. in qua Herluinus comes publicam egit pœnitentiam, eo quod duxisset vxorem alia adhuc superuiuente. Vide chronicum Cameracense libro 1. cap. 63.

Extat supra  
sub Sergio  
III. anno  
909.

ANNO  
CHRISTI  
926.

CONCILIVM APVD CARILOCVM  
ANNO DCCCCXXVI.

**E**x *tabulis Carilocensis monasterii.* Anno incarnationis dominicæ DCCCCXXVI. domnus Anchericus sanctæ Lugdunensis ecclesiæ archiepiscopus, domnus quoque Geraldus Matisensis ecclesiæ venerabilis pontifex, nec non Odelardus Maurianensis episcopus, ad Carilocum monasterium conuenerunt, ibique diu vigilantia cura synodali consuetudine tractauerunt, qualiter ecclesiis locisque sanctorum desolatis propter prauorum hominum nequissimam cupiditatem subuenire potuissent, &c. *Enumerantur deinceps ecclesiæ decem, quas Synodus monasterio diuersis locis ablatas restitui iussit.*

ANNO  
CHRISTI  
927.

CONCILIVM APVD TROSLEIVM,  
IN QVO HERLVINVS COMES POENITENTIAM  
subiit pro vxore quam duxerat alia viuente,  
ANNO DCCCCXXVII.

**F**LODOARDVS *item in chron.* Anno, *inquit,* DCCCCXXVII. Synodus sex episcoporum apud Trosleium habita, contradicente rege Rodulfo, per missos Heriberti comi-



tis, & mandante illi vt Synodum differret, sibi que obuiam ad Compendium veniret. Quod ille agere renuit, Synodo vero interfuit: vbi Herluinus comes ad pœnitentiam venit pro vxore quam duxerat alia viuente. *Breuius etiam in historia Rhemensi lib. iv. cap. xxi.* Synodus, inquit, sex episcoporum Rhemensis diœceseos apud Trosleium habita, Heriberti comitis iussione conuocata, rege tamen Rodulfo contradicente, patrata est.

ANNO  
CHRISTI  
927.

CONCILIVM DVISBERGENSE,  
IN QVO ILLI QVI BENNONEM METENSEM  
episcopum excæcarent excommunicantur, anno Do-  
mini DCCCCXXVII. tempore Ioannis papæ X.

## NOTA.

Benno ex  
cremita  
episcopus  
Metensis.

<sup>a</sup> *Concilium.*] Anno Domini 927. Benno, dum in Alpibus cremiticam vitam duceret, electus est Metensis episcopus, & post biennium a Metensibus est excæcatus: cuius immanis sacrilegii causa hæc Synodus congregata, omnes illius sceleris auctores excommunicauit, & Adalberonem loco eius substituit. Porro Benno hæc omnia patienter tolerans, exemplo magnæ tolerantiae relictus, cognominatus est Benedictus. *Flodoardus in chronico anno 928.*

## VITA

## LEONIS PAPÆ VI.

ANNO  
CHRISTI  
928.Leo VI.  
quando &  
quandiu  
pontifex.

LEO Christophori primicerii filius, huius nominis sextus, factus est pontifex circa finem anni Christi 928. tempore Constantini imperatoris. Sequenti anno in carcerem detrusus, post sex menses & dies quindecim mortuus est. *Baronius ex Vaticanis indicibus anno 929. numero 1.*